

上奔古文奔字糜齊碑反一也正作糜縮所六括括作
箭善受古活反一也鉗今作殞于敏反中路上去暴
漲下知向反勉身下正作挽螯呼各从脣脹
脣成胖子及降反一也解散上胡音繹盛之上音急緩
胡管探摸莫胡反他含取也下酷告篤反也
慢抄劫上初教也袍步交反一也

大方便佛報恩經卷第六

失譯

器

優波離品第八
尔時如來大眾圍繞供養恭敬尊重讚歎尔時阿難即從座起觀察衆心咸皆有疑如來世尊云何乃聽優波離下賤之人隨佛出家以聽其出家故毀辱一切諸王刹利種姓不敬之心汙信心故永失福田乃使白淨王子難陀比丘生輕慢心佛告阿難及諸大眾汝等善聽汝等乃可說如來無有平等大悲三念處五智三昧不得說言優波離比丘真實是下賤人修習下行下願下精進也汝等乃

可說如來煩惱無常遷變不可得說優波離下賤出家如來以正遍知宣說真實之言汝等應當信受佛語如來知見生死過患獨覺成佛優波離亦隨出家三明六通具八解脫天人大眾增仰護持正法持律第一堪任供養能令衆生成就三種妙果所謂現報生報後報是故當知優波離者奇特妙行偏爲大悲菩薩已於過去無量百千万億諸佛所殖衆德本亦於諸佛法中持律第一亦於釋迦牟尼佛法中持律第一爾時難陀比丘聞佛說已即從座起頭面禮大稽陳如足次第到優波離前俛仰而立合掌而已爾時如來即爲難陀而說偈言
難陀應當知 汝不憂貧窮 亦不失富貴家分法應介
難陀聞佛示教利喜種種說法心生歡喜即正衣服頭面禮優波離足應時天地六種震動身心柔軟逮得已利所作已辦佛告優波

離汝速師子喎於三寶四諦在家出家七衆
差別所謂三歸五戒乃至一切戒利益衆生
戒淨煩惱戒調御威儀戒禪戒無漏戒興隆
三寶時優波離白佛言世尊如來以威神力
引接將護我乃少能所諮問耳

云何名三寶佛法及衆僧三寶若無性云何

分別說法僧差別名歸依三寶者云何而奉
行三歸若一者不得說言三若說三歸者云
何七衆名余時優波離白佛言世尊何所歸
依名歸依佛余時如來一一稱解答曰
佛陀者覺覺了一切法相故復次一切衆生
長眠三界佛道眼既開自覺覺彼故名爲覺

佛於一切法能一切得一切說問曰佛云何
一切說爲應時適會隨宜說耶爲當部黨相
從說耶答曰佛隨物適時說一切法後諸弟
子結集法藏以類撰之佛或時爲諸弟子制
戒輕重有殘無殘撰爲律藏或時說因果相
生諸結諸使及以業相集爲阿毗曇藏爲諸

天世人隨時說法集爲增一是勸化人所習
爲利根衆生說諸深義名中阿含是學問者
所習說種種隨禪法是雜阿含坐禪人習破
諸外道是長阿含問曰佛若一切說者有經
云佛坐一樹下捉一枝葉問弟子曰此枝葉
多樹上葉多答曰樹上葉多佛言我所知法
如樹上葉我所說法如掌中葉云何言佛一
切說耶答曰有別相一切總相一切今言別
相一切有言佛能一切說但衆生不能盡受
佛非不能說有言應云一切知直言說不得
言一切說也問若佛知而能說聲聞緣覺依
知而能說何不稱佛耶答曰不爾佛知說俱
盡二乘知說於法有所不盡復次佛解一切
法盡能作名二乘不能復次佛得無邊法能
無邊說二乘不能復次有共不共二乘所得
共佛所得不共聲聞所得三乘同知中乘所
得二乘共知唯佛所得二乘不知獨佛自知
復次函大蓋亦大法大法相無邊佛以無邊

智知說無邊法二乘智有邊故不稱法相復次有根義根者慧根義者慧所緣法佛根義俱滿慧所緣法無有一不盡二乘根義二俱不滿復次佛得如實智名於一切法相如實了故二乘知法不盡原底兼有所不周是以不得稱如實智以是種種義故二乘不得稱佛婆伽婆者不可以音傳不可以義解云何世尊以能知一切對治法故復次世法言音不同世人自不相解佛悉知之故云世尊復次勒比丘云凡二乘凡夫自說得法或樂靜默或入禪定或以餘緣祕惜不說佛所得法以慈悲力故樂爲他說復次云何以破三毒故得稱世尊問曰二乘亦破三毒何不名世尊耶答曰不尔二乘有退佛不退故退有三種果退不果退所用退果退者聲聞三果退下果不退中乘二種若百劫習行成辟支佛果不退若本是下乘三果作辟支佛則果有退佛果不退不果退者若向三乘人未得而退若修

比丘三業懈惰不進凡有所修習退而不勤名不果退也所用退者凡所得法不現前用如佛十力小乘十智用一餘則不用如誦十萬言經若不誦時盡名所用退也下乘不退果中乘亦有不果退佛無不果退於一切行中無不勤故二乘有所用退也佛則不定又

太於十力中用一不用九故名退也有云無不用退如誦二十萬言經凡人力劣故或一日二日誦訖佛能即時誦訖十力亦専用能即用無障礙故無不用退又云佛無不用退如著泥洹僧時不直専著如凡夫人法皆爲利益衆生故凡所用法有益則用無益不用非不能用故無用退雖各有所解而云不可定也佛意不可思議問曰聲聞何故三果退下果不退答曰三果已曾得故退下果未曾得故不退如人飢得美食久則不忘此義亦余又云下果忍作無礙道智作解脫道三果智作無礙道智作解脫道故退又云見諦道

無退思惟道有退淨不淨想斷結故思惟有逼迫見諦無逼迫見諦無逼迫見諦結見理思惟微生故逼迫不退也又云見諦智力強如大槩鎮物思惟智弱故退也又云見諦欲界忍智二心能斷九品上界忍智二心斷七十二品結盡無色界故不退也以是義故獨名世尊復次佛習氣斷二乘習氣不盡如牛吼比丘常作牛吼以世世牛中來故如一比丘雖得漏盡而常以鏡自照以世世從姪女中來故如一比丘跳棚擲閣以世世從猕猴中我聞爲是滅後也撰法藏者言我聞佛二十年中說法阿難不聞何得言我聞答曰云諸天語阿難又云佛入世俗心今阿難知又云從諸比丘邊聞又云阿難從佛請願願佛莫與我故衣莫令人請我食我爲求法恭敬佛故侍佛所湏不爲衣食諸比丘晨暮二時得見世尊莫令我余欲見便見又佛二十年中

所說法盡爲我說問曰二十年中所說法句何由可說答曰佛善巧方便於一句法中演無量法能以無量法爲一句義佛粗示其端緒阿難盡已得知速利強持力故八萬法者又云如樹根莖枝葉名爲一樹佛爲衆生始終說法名爲一歲如是八萬又云佛一坐說法名爲一歲如是八萬又云十六字爲半偈三十二字爲一偈如是八萬又云長短偈四十二字爲一偈如是八萬又云如半月說戒爲一歲如是八萬又云佛自說六萬六千偈爲一歲如是八萬又云佛說塵勞有八萬法藥亦八萬名八萬法藏問曰契經阿毗曇不以佛在初獨律誦以佛在初答曰以勝故佛獨制故如契經中諸弟子說法有時如釋提桓因自說布施第一何以故我以施故得爲天王所願如意佛言如是有時佛化作化佛化佛說法律則不爾一切佛說是故以佛在初又如契經隨處隨津律則不爾若屋中有

事不得即結必當出外若白衣邊有事必在衆結若聚落有事亦在衆結若於五衆邊有事必在比丘比丘尼邊結是故以佛在初毗耶離者或有國以王爲名或以地爲稱或以城爲號此國以龍爲目迦蘭陀聚落者以鳥名之又云聚落主名須提那者父母求請祇祇得故名求得富貴者富有二種一衆生類二非衆生非衆生者多有金銀七寶倉庫財帛田疇舍宅衆生類者奴婢僕使象馬牛羊村落村邑故名富也貴者或爲封王或有美德人所宗敬故言貴也自歸三寶受三歸法問曰三歸以何爲性有論者言三歸是教無教性受三歸時胡跪合掌口說三歸是名身口教也若純重心有身口無教是謂教無教又云三歸是三業性身口意業也又云三歸是善五陰以衆生善五陰爲三歸以三寶爲所歸所歸以救護爲義詳如有人有罪於王投向異國以求救護異國王言汝求無畏者

莫出我境莫違我教必相救護衆生亦余繫屬於魔有生死罪歸向三寶以求救護若誠心三寶更無異向不違佛教魔王邪惡無如之何昔有一鷂爲鷹所逐入舍利弗影戰懼不解移入佛影泰然無怖大海可移此鷂無動所以余者佛有大慈大悲舍利弗無大慈悲佛習氣盡舍利弗習氣未盡佛三阿僧祇劫修菩薩行舍利弗六十劫中修習苦行以是因緣鷂入舍利弗影猶有怖畏入佛影中而無怖也問曰若歸三寶能除罪過息怖畏者提婆達多亦歸依三寶以信出家受具足戒而犯三逆墮阿鼻獄答曰夫救護者救可救者提婆達多罪惡深大兼是定業是故難救問曰若有大罪佛不能救若無罪者不須佛救云何三寶能有救護答曰提婆達多歸依三寶心不真實三歸不滿常求利養名聞自号一切智人與佛爭競以是因緣三寶雖有大力不能救也如阿闍世王雖有逆罪應入

阿鼻獄以誠心向佛故滅阿鼻罪入黑繩地獄如人中重罪七日都盡是謂三寶救護力也問曰若提婆達多罪不可救者有經云若人歸佛者不墮三惡道是義云何答曰提婆達多以歸三寶故雖入阿鼻受苦輕微亦時得暫息又如人在山林曠野恐怖之處若念佛功德恐怖即滅是故歸依三寶救護不虛三寶於四諦中何諦所攝於二十二根中何根所攝於十八界中何界所攝十二入中何入所攝於五陰中何陰所攝三寶於四諦中盡諦所攝道諦少入根中三根所攝未知已知根於十八界所攝意界意識界法界十二入中意入法入所攝五陰中無漏五陰所攝佛寶於四諦中道諦少入法寶於四諦中盡諦所攝僧寶四諦中道諦少入佛寶二十二根中無知根所攝法寶是盡諦無爲故非根所攝僧寶二十二根中三無漏根所攝佛寶於十八界中意界意識界法界少入十二入中

意入法入少入五陰中無漏五陰少入法寶於十八界中法界少入十二入中法入少入法寶非五陰攝陰是有爲法寶是無爲故僧寶於十八界中意界意識界法界少入十二入中意入法入少入五陰中無漏五陰少入間歸依佛者爲歸依釋迦文佛爲歸依三世佛耶答曰歸依三世佛以佛法身同故歸依一佛則是三世諸佛以佛無異故有云若歸依三世諸佛者有諸天自說我迦葉佛弟子我拘留孫佛弟子如是七佛中各稱我是某佛弟子以是因緣正應歸依一佛不應三世有云不應尔何以故如毗沙門經說毗沙門答曰歸依語迴轉一切智無學功德爲歸色

身歸依法身耶答曰歸依法身不歸色身不以色爲佛故問曰若色身非佛者何以出佛身而得逆罪答曰色身是法身器故法身所依故若害色身則得逆罪不以色身是佛故得逆罪歸依法者何所歸依名歸依法答曰歸依語迴轉斷欲無欲盡處涅槃是名歸

依法問曰爲歸依自身盡處他身盡處答曰歸自身盡處他身盡處是名歸依法若歸依僧何所歸依答曰歸依語迴轉良祐福田聲聞學無學功德是名歸依僧爲歸俗諦僧爲第一義諦僧若歸第一義諦僧者佛與提謂波利受三自歸不應言未來有僧汝應歸依

第一義諦僧常在世間答曰以俗諦僧是第一義諦僧所依故言未來有僧汝應歸依又欲尊重俗諦僧故作如是說佛自說一切諸衆中佛衆第一辟如從乳出酪從酪出酥從酥出醍醐醍醐於中最勝最妙佛弟子衆亦復如是若有衆僧集在是中四向四得無上

福田於一切九十六種衆中最尊最上無能及者是故言未來有僧汝應歸依不傷正義問曰佛亦是法法亦是法僧亦是法正是一法有何差別答曰雖是一法以義而言自有差別以三寶而言無師大智及無學地一切功德是謂佛寶盡諦無爲是謂法寶聲聞學無學功德智慧是名僧寶以法而言無師無學法是名佛寶盡諦無爲非學非無學法是名法寶聲聞學無學法是名僧寶以根而言佛是無知根法寶非根法僧是三無漏根以諦而言佛是道諦少入法寶是盡諦僧是道諦少入以沙門果而言佛是沙門法寶是沙門果僧是沙門法寶是沙門果以婆羅門而言佛是婆羅門法寶是婆羅門果僧是婆羅門法寶是婆羅門果以梵行而言佛是梵行法寶是梵行果僧是梵行法寶是梵行果以因果而言佛是因法寶是果僧是因法寶是因果以道果而言佛是道法寶是果僧是道法

寶是果佛以法爲師佛從法生法是佛母佛依法住問曰佛若以法爲師者於三寶中何不以法爲初答曰法雖是佛師而法非佛不弘所謂道由人弘是故以佛在初

余時優波離復白佛言世尊若受三歸戒時先稱法寶後稱佛者成三歸不答曰無所曉知說不次第者自不得罪得成三歸若有所解故倒說者得罪亦不成三歸問曰若稱佛及法不稱僧者成三歸不若稱法僧不稱佛者成三歸不若稱佛僧不稱法寶成三歸不答曰不成三歸問曰若不受三歸得五戒不若不受三歸得八戒不若不受三歸得十戒不若不白四羯磨得具戒不答曰一切不得若受五戒先受三歸三歸既竟乃得五戒所以說五戒名者欲使前人識戒名字如白四羯磨竟已便得具戒所以說四依四墮十三僧殘者但爲知故說又言受三歸竟說不殺戒余時得戒所以說一戒得五戒者若能持

一戒五盡能持又以五戒勢分相著故兼以本意誓受五戒故又言受五戒竟然後得戒於諸說中受三歸已得五戒者此是正義如白四羯磨法若受八戒若受十戒如五戒說若先受三歸作優婆塞後若受五戒若受八戒若受十戒更須三歸不答不受三歸一切得戒以先受三歸故若先不受三歸直白羯磨得戒不答受五戒八戒十戒但受三歸即便得戒若受具戒要以白四羯磨而得具戒不以三歸凡具戒者功德深重不以多緣多力無由致之是故三歸十僧白四羯磨而後得也五戒八戒十戒功德力少是故若受三歸即便得戒不須多緣多力受具戒已何以但說四墮十三僧殘不說餘篇耶此二篇戒最是重者一戒若犯永不起二雖起難起若波利婆沙摩那埵二十衆中而後出罪若難持而能持者餘篇易持戒不須說也是故但說二篇不說餘篇問曰是波羅提木叉戒是無漏

戒是禪戒不答曰非無漏戒亦非禪戒此波羅提木叉戒若佛在世則有此戒佛不在世則無此戒禪無漏戒若佛在世若不在世一切時有波羅提木叉戒從教而得禪無漏戒不從教得波羅提木叉戒從他而得禪無漏戒不從他得波羅提木叉戒不問眠與不眠善惡無記心一切時有禪無漏戒必禪無漏心中有戒餘一切心中無也波羅提木叉戒但人中有禪戒無漏戒人天俱有波羅提木叉戒但欲界中有禪無漏戒欲色界成就無漏戒波羅提木叉戒但佛弟子有禪戒外道俱有問曰優婆塞五戒幾是實罪幾是遮罪

答曰四是實罪飲酒一戒是遮罪飲酒所以得與四罪同類結為五戒者以飲酒是放逸之本能犯四戒如迦葉佛時有優婆塞以飲酒故耶毘他婦盜殺他雞他人問言何以故余答言不作以酒亂故一時能破四戒有以飲酒故能作四逆唯不能破僧耳雖非宿業有狂亂報以飲酒故迷惑倒亂猶若狂人又酒亂故廢失正業坐禪誦經佐助衆事雖非實罪以是因緣與實罪同優波離復白佛言優婆塞戒但於衆生上得戒非衆生上亦得戒不但於可殺可盜可婬可妄語衆生上得戒耶若於不可殺不可盜不可婬不可欺誑衆生上亦得戒耶答曰於衆生得四戒於非衆生上得不飲酒戒善衆生可殺不可殺可婬不可盜不可盜可妄語不可妄語一切得戒下至阿鼻地獄上至非非想處及三千世界乃至如來一切有命之類得此四戒以初受戒時一切不殺一切不盜一切不婬一切不妄語無所限齊以是故一切衆生上無不得戒凡受戒法先與說法引導開解令於一切衆生上起慈愍心既得增上心得增上戒夫受戒法於一切衆生上各得四戒四戒差別有十二戒於衆生上不殺不盜不婬不妄語凡起此四惡有三因緣一

以貪故起二以瞋故起三以癡故起於一切衆生上有十二惡以反惡故得十二善戒色一切無邊衆生上亦復如是設有百萬千萬阿羅漢入於泥洹先於此羅漢上所得戒始終成就不以羅漢泥洹故此戒亦失得不飲酒戒時此一身始終三千世界中一切所有

酒上咽喉待戒色以受戒時一切酒盡不飲故設酒滅盡戒常成就而不失也先受戒時於一切女人上三創門中得不婬戒而後取婦犯此戒不答曰不犯所以余者本於女上得邪婬戒今是自婦以非邪婬故不犯此戒以此義推之一切同余八戒十戒具戒并禪戒無漏戒一

生類得戒亦如是二百五十戒一切衆生上各得七戒以義分別有二十一戒如於衆生上起身口七惡凡起此惡有三因緣一以貧故起二以瞋故起三以癡故起以三因緣起此七惡三七二十一惡反惡得戒一衆生上得二十一戒色一切衆生亦復如是以此義

推可一時得無量戒不可一時盡犯而得一時捨戒也夫破戒法若破重戒更無勝進設還捨戒後更受者更不得戒如破八齋中重戒後更受八戒若受五戒若受十戒若受具戒兼禪戒無漏戒一切不得若破五戒中重戒已若受八戒十戒具戒并禪戒無漏戒根六之十一一

切不得若破五戒已欲捨五戒更受十戒者無有是處若捨戒已更受五戒若受八戒十戒具戒并禪戒無漏戒一切不得若破十戒具戒中重戒者若欲勝進若欲捨戒還受戒者如五戒中說問曰禪戒無漏戒波羅提木義戒於三戒中何戒為勝答禪戒勝有云波羅提木義戒所以余者若佛出世得有此戒禪戒無漏戒一切時有於一切衆生非衆生類得波羅提木義戒禪無漏戒但於衆生上得於一切衆生上慈心得波羅提木義戒禪無漏戒不以慈心得夫能維持佛法有於七衆在於世間三乘道果相續不斷盡以波羅

提木叉為根本禪無漏戒不尔是故於三界中最尊殊勝初受戒時白四羯磨已戒色成就始一念戒色名業亦名業道第二念已後生戒色但是業非業道所以尔者初一念戒色思穎滿足以通思故名思業道以前戒為因故後戒色任運自生是故但名業非業道

初一念戒有教無教後次第生戒但有無教無有有教初一念戒亦名為戒亦名善行亦名律儀後次續生戒亦有此義優波離復白佛言於三世中何世得戒答曰現在一念得戒過去未來是法非衆生故不得戒現在一念是衆生故得戒問曰為善心中得戒為不善心中為無記心中為無心中得戒答曰一切盡得先以善心禮僧足已受衣鉢求和尚問精進乞戒胡跪合掌白四羯磨已相續善心戒色成就是謂善心中得戒若先次第法中常生善心起諸教業白四羯磨時起貪欲瞋恚等諸不善念於此心中成就戒色是名

釋六

十三

不善心中得戒以本善心善教力故而得此戒非不善心力也先以善心起於教業白四羯磨時或睡或眠於眠心中而生戒色是名無記中得戒也先以善心起於教業白四羯磨時入滅盡定即於爾時成就戒色名無心中而得戒也優波離復白佛言若白衣不受五戒直受十戒為得戒不答曰一時得二種戒得優婆塞戒得沙弥戒若不受五戒十戒直受具戒一時得三種戒優波離復白佛言若受具戒一時得三種戒者何須次第先受五戒次受十戒後受具戒耶答曰雖一時得三種戒而深習佛法必須次第先受五戒以自調伏信樂漸增次受十戒既受十戒善根轉深次受具戒如是次第得佛法味深樂堅固難可退敗如遊大海漸漸深入深入佛法海亦復如是善一時受具戒者既失次第又破威儀復次或有衆生應受五戒而得道果或有衆生因受十戒而得道果以是種種因緣

是故如來說此次第若先受五戒次受十戒受十戒時亦成就二戒五戒十戒受十戒已次受具戒受具戒時成就三種戒五戒十戒具戒七種受中唯白四羯磨戒次第第三時得餘六種受戒但一時得無三時次第也若一時得三種戒善欲捨時善言我是沙弥非比

丘即失具戒二種戒在五戒十戒善言我是優婆塞非沙彌即失十戒餘五戒在善言在家出家一切盡捨我是皈依優婆塞三種一時盡失不失三歸善次第得三種戒捨法次第如一時得戒中說善先優婆塞出家受十戒捨五戒不答曰不捨但失名失次第不失

戒也失優婆塞名得沙彌名失白衣次第得出家次第善沙彌受具戒時失十戒五戒不答曰不失但失名失次第不失戒也失沙彌名得比丘名失沙彌次第得比丘次第終始常是戒而隨時名譬如樹葉春夏則青秋時則黃冬時則白隨時異故樹葉則異而其始

終是一葉也戒亦如是常是一戒隨時有異又如乳酪酥醍醐四時差別雖隨時有異而故是一戒亦如是雖三時有異戒無異也優婆塞復白佛言凡受優婆塞戒勢不能具受五戒若受一戒二戒乃至四戒受得戒不答曰不得若不得者有經說少分優婆塞多分

優婆塞滿分優婆塞此義云何答曰所以作是說者欲明持戒功德多少不言有如是受戒也優波離復白佛言若受一日二日乃至十日五戒得如是受不答曰不得佛本制戒各有限齊善受五戒必盡形壽善受八戒必一日一夜受是故不得夫白四羯磨戒有上

中下五戒是下品戒十戒是中品戒具戒是上品戒入五戒中亦有三品若微品心受戒得微品戒若中品心受戒得中品戒若上品心受戒得上品戒十戒具戒亦各三品如五戒說若微品心得戒已後以上中品心受十

戒者先得五戒更無增無勝於五戒外乃至十五

非六之

十五

不非時食等殘餘五戒得增上五戒先得五戒得本微品也即先微品五戒以中上品心受具足戒先得五戒更無增無勝仍本五戒自五戒外一切諸戒以受其戒時心增上故得增上戒以是推之波羅提木叉戒無有重得以次第而言五戒是微品十戒是中品具

戒是上品以義而推亦可以上品心得五戒是上品戒中品心得十戒是中品戒下品心得具戒是下品戒以其義故隨心有上中下得戒不同無定限也若請和尚受十戒時和尚不現前亦得十戒若受十戒時和尚死者若聞知死受戒不得若不聞死受戒得戒若

白羯磨受戒和尚不現前不得受戒以僧數不滿故若僧數滿設無和尚亦得受戒優波離復白佛言五戒優婆塞得販賣不答曰得聽販賣但不得作五業一者不得販賣畜生以此為業若自有畜生直賣者聽但莫賣與屠兒二者不得販賣弓箭刀仗以此為業若

自有者直賣者聽三者不得沽酒為業若自有者亦聽直賣四者不得塈油多殺蟲故天竺法禁鉢賓以來麻中一切善無虫處塈油無過五者不得作五大色染業以多殺虫故洛沙等外國染法多殺諸虫是故不聽謂秦地染青法亦多殺虫墮五大染數優波離復

白佛言夫八齋法通過中不食乃有九法何以八事得名答曰齋法過中不食為體八事助成齋體共相枝持名八枝齋法是故言八齋不云九也若受八戒人於七衆為在何衆雖不受終身戒以有一日一夜戒故應名優婆塞有云若名優婆塞無終身戒若非優婆塞有一日一夜戒但名中間人有經說優波離復白佛言若七衆外有波羅提木叉戒不答曰有八齋戒是以是義推若受八齋不在七衆也受八齋法應言一日一夜不殺生今言語決絕莫使與終身戒相亂也問曰受八

戒法得二日三日乃至十日一時受不答曰

雜六之

十六

佛本制一日一夜戒不得過限若有力能受一日過已次第更受如是隨力多少不計日數夫受齋法必從他人邊受於何人受五衆邊受既受八戒若鞭打衆生齋不清淨雖即日不鞭打若待明日鞭打衆生不清淨以要而言若身口作不威儀事雖不破齋無清淨法設身口清淨善心起貪欲覺瞋恚覺惱害覺亦名齋不清淨善身口意三業清淨善不修六念亦名齋不清淨受八戒已精修六念是名齋清淨有經說善作闡浮提王於闡浮提地中一切人民金銀財寶於中自在雖有如是功德分作十六分闡浮提王功德於十六分中不及一分所謂最後清淨八齋也善人欲受八齋先恣情色或作音樂或貪噉肉種種戲笑如是等放逸事恣心作已而後受齋不問中前中後盡不得齋善本無心受齋而作種種放逸事後遇善知識即受齋者不問中前中後一切得齋善欲

受齋而以事難自礙不得自在事難解已而受齋者不問中前中後一切得齋問曰若欲限受晝日齋法不受夜齋得八戒不若欲受夜齋不受晝齋得八戒不答曰不得所以余者佛本聽受一日一夜齋法以有定限不可違也優波離復白佛言若不得者如皮革中說億耳在曠野處見諸餓鬼種種受罪或晝受福夜則受罪或夜受福晝則受罪所以余者以本人中晝受戒晝夜作惡行或夜受戒法晝作惡行是以不同此義云何答曰凡是本生因緣不可依也此中說者非是修多羅非是毗丘不可以定實義也又云此或是迦旃延以度億耳故作此變化感悟其心非是實事若受齋已欲捨齋者不必要從五衆而捨若欲食時趣語一人齋即捨也凡得波羅提木叉戒者以五道而言唯人道得戒餘四道不得如天道以著樂故深重不能得戒如昔天時大目捷連以弟子有病上忉利天以

問耆婆正值諸天入歡喜園尔時目連在路側立一切諸天無顧看者耆婆後至顧見目連向舉一手乘車直過目連自念此本人中是我弟子今受天福以著天樂都失本心即以神力制車令住耆婆下車禮目連足目連種種因緣責其不可耆婆答曰目連以我人中爲大德弟子是故舉手問訊頗見諸天有余者不生天以著樂深心不得自在是使余耳目連語耆婆曰有弟子病當云何治耆婆答言唯以斷食爲本有時目連勸釋提桓因佛世難遇何不數數親近諮詢受正法帝釋欲解目連意故遣使勑一天子今來反覆三喚猶故不來此一天子唯有一婦有一伎樂以染欲情深雖復天王命重不能自割後不獲已而來帝釋問曰何故余耶即以實而對帝釋白目連曰此天子唯有一天女一伎樂以自娛樂不能自割況作天王種種宮觀無數天女天須陀食自然百味百千伎樂以自娛

樂視東忘西雖知佛世難遇正法難聞而以染樂纏縛不得自在知可如何凡受戒法以勇猛心自誓決斷然後得戒諸天著樂心多善心力弱何由得戒餓鬼以飢渴苦身心燒然地獄無量苦惱種種楚毒心意痛苦無緣得戒畜生中以業障故無所曉知無受戒法雖處處經中說龍受齋法以善心故而受八戒一日一夜得善心功德不得戒也以業障故以四天下而言唯三天下閻浮提拘耶尼弗婆提及三天下中間海洲上人一切得戒如拘耶尼佛遣賓頭盧往彼大作佛事有四部衆東方亦有比丘在彼亦作佛事有四部衆唯鬍單越無有佛法亦不得戒以福報障故并愚癡故不受聖法有四種人一男二女三黃門四二根四種人中唯男女得戒二種人不得戒黃門二根如男女中若殺父母阿羅漢出佛身血破壞僧輪汎比丘尼賊住越濟人斷善根如是人等盡不得戒大而觀之

愛染佛法者蓋不足言若天若龍鬼神若齋
單越若不男二根種種罪人盡得受三歸也
問曰三世諸佛得戒等不答曰不等凡得戒
者於衆生非衆生類上得戒而一佛出世度
無數阿僧祇衆生入無餘涅槃而後佛出世
於此衆生盡不得戒如是諸佛先後得戒各
各不等如迦葉佛度無數阿僧祇衆生入無
餘涅槃而迦葉佛於此衆生盡皆得戒釋迦
文佛於此衆生盡不得戒一切諸佛有三事
等一精行等二法身等三度衆生等一切諸
佛盡三阿僧祇劫修菩薩行盡具足五分法
身十力四無所畏十八不共法盡度無數阿
僧祇衆生入於涅槃問曰經說一佛出世度
九十那由他衆生入於涅槃何以言無數阿
僧祇衆生耶答曰此經說一佛出世度九十
那由他衆生者但云從佛得度者有余所衆
生而衆生或自從佛得度或從弟子或遺法
中而得度者言九十那由他衆生者直佛邊

得度者摠而言之無數阿僧祇衆生入無餘
涅槃三世諸佛三等盡等而得戒不等問曰
惡律儀戒衆生類非衆生類上得也能以不
能盡得戒不答曰但於衆生上得惡律儀戒
非衆生類上不得惡戒有云但於能殺衆生
上得惡戒不可殺衆生上不得惡戒又云可
殺不可殺衆生上盡得惡戒如屠兒殺羊常
懷殺心作意殺羊無所齊限設在人天中今者
不殺而受生展轉有墮羊中理是故於一切
衆生盡得惡戒十二惡律儀亦如是十二惡
律儀者一者屠兒二者毚膾三者養猪四者
養雞五者捕魚六者獵師七者網鳥八者捕
蟲九者呪龍十者獄吏十一者作賊十二者
王家常差捕賊是爲十二惡律儀人養蠶業
等謂皆不離惡律儀惡律儀戒有三時捨死
者欲愛盡時受律儀戒時如受三歸時初始
一說即捨惡戒第二第三說時即得善戒人
作惡戒時何時捨善戒得惡戒耶答曰一說

言我作睂兒即捨善戒第二第三說我作睂

見即得惡戒又云隨何時捨善戒即得惡戒

若善戒人未自誓作睂兒但以貪利共睂兒

作殺害事余時名犯善戒求捨善戒求得惡

戒必自誓作睂兒而得惡戒若受惡戒自誓

便得不從他受若欲受八日二日乃至十日

一年二年惡律儀戒隨誓心久近隨意即得

所以余者以是惡法順生死流無勝進義是

故隨事即得不同善律儀戒

大方便佛報恩經卷第六

器

俛仰上音免也牛囘下音詩牛也跳棚上音
步正耕反一端緒下音序田疇下直由也羯磨謂上
此六作法辨事也一墻丁果反捕蠶下母朋反剝大蛇也
告例反一皮革有毛日皮無毛日革

大方便佛報恩經卷第七

失譯

親近品第九

器

復次菩薩摩訶薩知恩報恩修大方便利益
衆生應適隨宜顯示無方善男子有佛出世
號無畏王如來應供正遍知明行足善逝世
間解無上士調御丈夫天人師佛世尊應現
世間引接有緣有緣既盡遷神涅槃滅度之
後於正法中有一婆羅門子聰明黠慧受持
五戒護持正法婆羅門子緣事他行遠至餘
國到於中路多諸賊難有五百人共爲徒侶
前至嶺路於頓止處五百群賊常住其中前
後圍遶欲劫行伴余時賊主密遣一人歷伺
諸伴應時欲發余時賊中復有一人先與是
婆羅門子親善知識以親善故先來告語善
男子當知於初夜時當有賊發當時憤鬧恐
相傷損故相告語汝密自作方便遠捨而去
勿令伴知余時婆羅門子聞此語已辭如人